

四庫全書

子部

欽定四庫全書

子部

欽定授時通考卷五十三

四

詳校官中書臣實汝翼

編修臣倉聖脈覆勘

總校官編修臣王燕緒

校對官中書臣宋枋遠

謄錄監生臣周煥

繪圖監生臣董椿

欽定四庫全書

欽定授時通考卷五十三

勸課

本朝重農

織圖目錄

浴蠶

二眠

三眠

大起

捉績

分箔

採桑

上簇

灸箔

下簇

擇繭

窖繭

練絲 蠶蛾 祀謝 緯織 絡絲

經 染色 攀花 剪帛 成衣

織第一 浴蠶

聖祖仁皇帝御製

幽風曾著授衣篇蠶事初興穀雨天更考公桑傳禮制  
先宜浴種向晴川

世宗憲皇帝御製

門多楊柳風溪漲桃花水村酒醺羊羔春閨浴蠶子織

纖弄翠盆戢戢蠕香紙雪蘭與冰絲婦功從此始

高宗純皇帝御製恭和

聖祖仁皇帝原韻


曾讀豳風七月篇遲遲日影麗光天  
新蠶未起先宜浴  
盆滿明波人滿川

皇帝御製

衣裳始上古教織自西陵考禮婦功重浴蠶績事興化  
生喜溫暖澣濯避嚴凝盆漾柴灰水勻齊時可乘

浴蠶

農桑將有事時節過禁烟  
輕風歸燕日小雨浴蠶天  
春衫卷縞袂盆池弄清泉  
深宮想齊戒躬奉民先





織第二

二眠

聖祖仁皇帝御製

柔桑初剪綠參差  
陌上歸來日正遲  
村舍家家簾幕靜  
春蠶新長再眠時

世宗憲皇帝御製

百舌鳥初鳴再眠蠶  
在箔陌桑青已柔隄  
草綠猶弱正宜旭  
日和惟恐春寒作  
嬾忙兒不知棗栗頻啼索




高宗純皇帝御製恭和

聖祖仁皇帝原韻

女桑搖綠葉參差曉起人慵欲採遲雙燕入簾春晝靜  
再眠恰是仲春時


皇帝御製

治室務精潔初生連蟻微布筐置槌架移箔捲簾幃頻  
以柔桑飼母勞纖手揮二眠須靜待色變候無違



二眠

吳蠶一再眠竹屋  
下簾幕拍手弄嬰  
兒一笑姑不惡風  
來麥秀寒雨過秦  
沃若日高蠶未起  
谷鳥鳴百箔



織第三

三眠

聖祖仁皇帝御製

紅女勤劬日載陽鳴鳩拂羽恰條桑只因三卧蠶將老  
剪燭頻看夜未央

世宗憲皇帝御製

春風拂簾攏春露繁桑柘遶箔理三眠燒燈遶五夜大  
姑席未安小姑梳未暇喔喔唱隣雞提筐邀比舍

高宗純皇帝御製恭和

聖祖仁皇帝原韻


淑景頻催喜載陽微行步步採條桑三眠三起新蠶老  
篝火看時夜未央

皇帝御製

已近清和月黃花映箔初三眠宜少飼一罇不令疎晝  
夜功無閒平勻葉有餘挑燈頻體驗勤視寸心舒

三眠

屋裏蠶三眠門前春過  
半桑麻綠陰合風雨長  
紫暗葉裏蠶熟繁臥作  
字畫短偷閒一枕肱夢  
與楊花亂





織第四

大起

聖祖仁皇帝御製

春深處處掩茅堂  
滿架吳蠶婦子忙  
料得今年收繭倍  
冰絲雪縷可盈筐

世宗憲皇帝御製

今春寒暖勻南陌  
條桑好箔上葉憂  
稀枝頭採戒早不  
知春幾多但覺蠶  
欲老阿誰紅粉粧  
尋芳踏堤草




高宗純皇帝御製恭和

聖祖仁皇帝原韻

春光荏苒去堂堂無那黃鶯一日忙  
箔上吳蠶方大起  
冰絲色映綠筠筐

皇帝御製

綏度三眠序脫膚大起時足腸盈衆箔健食蘊千絲  
心已隨春老室湏向暖移桑乾飼無歇奚用露華滋



大起  
盈箱大起時  
食葉聲似雨  
春風老不知  
蠶婦忙如許  
呼童刈早麥  
朝飢已過午  
妖歌得綾羅  
不易青蓀女



織第五

捉績

聖祖仁皇帝御製

連宵食葉正紛紛  
風雨聲喧隔戶聞  
喜見新蠶瑩似玉  
燈前檢點最辛勤

世宗憲皇帝御製

生熟乃有時  
老嫩莫紛糅  
恐煩姑與嫜  
服勞夜繼晝  
松火發瓦盆  
星芒射階雷  
次第了架頭  
匆忙顧童幼

高宗純皇帝御製恭和


聖祖仁皇帝原韻

蠶筐高下架頭紛食葉聲煩似雨聞捉績欣看光練練  
一家婦女共辛勤

皇帝御製

欲老食偏健雨聲隔戶聞炙盆火須熟捉績視宜勤減  
飼絲將足依時箔欲分練光瑩似玉珍惜勿紛紜





捉續

麥黃雨初足  
老人愈忙乎  
勤減眠食顛倒著  
衣裳綠腸映綠  
葉練練金色光  
松明照夜屋柱  
宇呼東岡

織第六

分箔

聖祖仁皇帝御製

愛逢晴日映疎簾  
新綠如雲葉漸添  
天氣晴和蠶事廣  
移筐分箔徧茅檐

世宗憲皇帝御製

新燕掠風輕  
新蠶偕日長  
分箔天氣暄  
食葉雨聲響  
少娟採林間  
倦歸歇陌上  
門前桑騷騷  
黃雲接青壤



高宗純皇帝御製恭和

聖祖仁皇帝原韻

柳絮飛時晝下簾柔桑繫細食徐添却憑纖手為分箔

皇帝御製

春深益滋長薄箔遍分藏眠起驗無舛衆多虞有妨迴  
環結萑葦高下置槃筐充棟皆排架頻年喜美穰



分箔  
三畝三起餘飽葉蠶局從  
東多旋分箔早晚破滿屋  
郊原過新雨桑柘添濃綠  
竹間快活吟慚愧麥飽熟



織第七

採桑

聖祖仁皇帝御製

桑田雨足葉蕃滋  
恰是春蠶大起時  
負莒攜筐紛笑語  
戴鶯飛上最高枝

世宗憲皇帝御製

清和天氣佳  
比戶採桑急  
攘攘零露繁  
冉冉綠陰濕  
高柯學猱升  
落甚教兒拾  
昨摘滿籠歸  
姑猶嗔不給

高宗純皇帝御製恭和

聖祖仁皇帝原韻

牆畔青條著雨滋  
繁陰初覆葉齊時  
春深八繭蠶爭餵  
稚子攜筐上綠枝

皇帝御製

採葉供蠶食季春碧滿林桑柔鋪有蔭絲老結無心筐  
負條微折鈎輕幹未侵芳郊甘澤洽落甚小童尋





織第八

上簇

聖祖仁皇帝御製

頻執織筐不厭疲久忘膏沐與調飢今朝士女歡顏色  
看我冰蠶作繭時

世宗憲皇帝御製

東隣催早耕西舍呼浸穀花殘蜀鳥啼春老吳蠶熟  
蚊鞠雪腰盈盈皤絲腹剪草架初齊女郎看上簇




高宗純皇帝御製恭和

聖祖仁皇帝原韻

覓樹尋枝手足疲  
柔桑采采飼蠶飢  
今朝報道新抽繭  
老幼羣欣上簇時


皇帝御製

絲腸欣旣足  
通體現晶瑩  
布箔必稠密  
編茅務穩平  
簇登草勻插  
網入繭徐成  
善育關豐儉  
審宜貴致精



上簇

采采綠葉空蘭翦白  
茅短撒發輕放手舞  
老絲腸煥山市浮晴  
嵐風日作妍暖會看  
雨如變景景光照眼



織第九

灸箔

聖祖仁皇帝御製

蠶性由來苦畏寒  
深垂簾幕夜將闌  
爐頭更爇松明火  
老嫗殷勤日探看

世宗憲皇帝御製

溫扇花信風寒釀  
麥秋雨葭簾張蛭  
舍松盆暖蠶戶香  
生雪繭明光吐銀  
絲縷門忌少人蹤  
語燕喧衡宇

高宗純皇帝御製恭和


聖祖仁皇帝原韻

重簾不捲畏風寒  
猶熱松明向夜闌  
皚雪霏霏堆滿箔  
殷勤弱女把燈看

皇帝御製

陰寒釀梅雨  
比戶下帷簾  
箔上繭將作  
爐頭炭漸添  
含生緣避冷  
本性豈趨炎  
緩炙休過燥  
功宜晝夜兼





炎泊  
我我藝新炭重  
重下簾幕初出  
結網蟲遽若雪  
滴箔老媪不勝  
勤候火珠汗落  
得閒兒女子困  
臥呼不覺

織第十

下簇

聖祖仁皇帝御製

自昔蠶繅重婦功  
曾聞獻繭在深宮  
披圖喜見累纍滿  
茅屋清光積雪同

世宗憲皇帝御製

前月谷所蠶今日摘  
所繭谷蠶柳葉藏  
摘繭柳柳帛卷膏



高宗純皇帝御製恭和

聖祖仁皇帝原韻

獻滿由來重女功  
繪圖今見列璇宮

聖人不為丹青美  
玉穀珠絲此意同

皇帝御製

鄰里欣相賀  
家家蠶事成  
勻圓雪光皎  
錯落玉輝瑩  
下簇分多寡  
聚籠衡重輕  
用功常不懈  
始得萬絲盈





下接

晴明開雪屋門巷  
排銀山一年盛事  
辦下簇春向開隣  
里兩相賀翁媼一  
笑歡后妃應獻爾  
喜色開天顏

織第十一

擇滿

聖祖仁皇帝御製

冰滿方看作素紈重綿亦藉禦深寒就中自有因材法  
揀取筐間次第觀

世宗憲皇帝御製

傾筐香雪明擇滿檐日上大半作絲綸三分充綿纈囑  
嫗理從容擇慣知瘠壯所慮梅雨過插秧趁溪漲

高宗純皇帝御製恭和

聖祖仁皇帝原韻


弱繭何時成綺紈拮据冀免一身寒  
八蠶獨蛹還須擇  
几上分明取次觀


皇帝御製

衆繭須精擇因材用不同  
化蛾作佳種排箔引涼風  
首  
選織絳美次供綿絮  
充由來無棄物器使在虛衷

擇蘭

大蘭至八蠶小蘭  
止獨蠅蘭永統指  
柔收拾擬何用冬  
來作繅統與兒絮  
寒凍衣帛非不能  
債多租稅重





織第十二

害繭

聖祖仁皇帝御製

一年蠶事已成功歷數從前屬女紅聞說及時還害繭  
荷鋤又在綠陰中

世宗憲皇帝御製

挽袖解長裙香汗濕紅頰農事委良人蠶功獨在妾屬  
層下簇完勞勞害繭接作苦感天公冰雪滿箱篋



高宗純皇帝御製恭和

聖祖仁皇帝原韻

春日遲遲執婦功  
何心愛戀牡丹紅  
繭成好向村頭窖  
荷插攜兒綠蔭中

皇帝御製

藏繭置深窰沿堤荷插從布桐  
看疊疊鋪簣視重重窖  
地鹽微摻理原泥密封出綠待  
七日潤澤倍鮮穰



客鹵  
 盤中水精鹽井上梧桐葉  
 陶器固封泥客鹵過旬決  
 門前春水生布穀催春鋤  
 明朝踏線車車輪灑白氈



織第十三

練絲

聖祖仁皇帝御製

炊煙處處繞柴籬  
翠釜香生煮繭時  
無限經綸從此出  
盆頭喜色動雙眉

世宗憲皇帝御製

煙流矮屋青水汊  
前溪潔掉車若捲風  
暎釜如翻雪絲  
頭入手長左右旋轉忙  
軋軋聽交響行人聞繭香

高宗純皇帝御製恭和

聖祖仁皇帝原韻


煮繭吹煙颺短籬絲腸累累練成時探湯試展纖纖手  
那聽枝頭叫畫眉

皇帝御製

離坎功相濟經綸展蘊藏瑩瑩翻釜爍軋軋轉車忙撥  
緒箸抽繭縑絲手探湯工夫漸成熟隔牖挹清香

欽定四庫全書

卷五十三



練絲  
 連那蘇蘭香解  
 事誰家娘盤盞  
 意嬌羅拍拍手  
 探湯上盆顏色  
 好轉軸頭緒長  
 晚來付少休女  
 伴語隔牆



織第十四

蠶蛾

聖祖仁皇帝御製

蛾兒布子如金粟水際分飛任所之莫令繭絲遺利盡  
來年留作授衣資

世宗憲皇帝御製

隣始通往來暫時解忙促出繭影翩翩翅光膩粉沃秧  
苗已抽青桑葉再見綠送蛾須水邊流傳笑農俗



高宗純皇帝御製恭和

聖祖仁皇帝原韻

蠶蛾絲淨方生子送向溪頭任所之更願明春歸舍早


皇帝御製

揀擇作新種植箱紙四圍子生勤覆養蛾化任分飛蕩漾隨楊陌翩翩傍葦磯如山復如粟珍護待春歸

蠶蛾

蛾初脫纏縛如蝶栩栩然得  
偶粉翅光散子金粟圓歲月  
判悠悠種嗣綿綿送蛾臨  
遠水蚤歸祝明年





織第十五

祀謝

聖祖仁皇帝御製

勞勞拜簇祭神桑喜得絲成願已償自是西陵功德盛  
萬年衣被澤無疆

世宗憲皇帝御製

豐祀報先蠶灑庭佇來格醺酒注罇壘獻絲當圭璧堂  
下趨妻孥堂上拜主伯神惠乞來年盈箱賜倍獲


高宗純皇帝御製恭和

聖祖仁皇帝原韻

年年勞苦事耕桑及早還將租稅償今日蠶成虔祀謝  
西陵功德戴無疆

皇帝御製

蠶成申報祀虔謝望豐穰天駟輝騰迥西陵澤衍長香  
昇陳滿几絲獻祝盈箱衣被免寒凍抒誠遍里鄉



祀謝  
春前作蠶市盛事傳西蜀  
此邦享先蠶再拜絲滿目  
馬草裹玉肌能神不為辱  
雖云事渺茫解與民為福



織第十六

緯

聖祖仁皇帝御製

綠陰掩映野人家每到蠶時靜不譁  
一自夏初成繭後  
籬邊新聽響繅車

世宗憲皇帝御製

盈盈緯車婦荆布事素樸絲絲理到頭的  
出新濯心  
忙不遑食腕倦何曾覺忽聽歸鴉啼斜陽掛屋角




高宗純皇帝御製恭和

聖祖仁皇帝原韻

蠶繅輪捲遍千家午靜人慵鳥語譁  
浸緯欣看供織作  
阿香軋軋轉雷車

皇帝御製

橫絲互旋轉紡績用功初錢眼貫成緒  
繅星引就車周  
迴繳樞速圍繞度筒徐次第法精細  
從茲杼柚舒



緯  
浸緯供織粧寒女兩髻  
丫繡緯一緯絲成就百  
種華弄水春筍寒捲輪  
蟾影斜人間小阿香晴  
空轉雷車



織第十七

織

聖祖仁皇帝御製

從來蠶績女功多當念勤劬惜綺羅織婦絲絲經手做  
夜寒猶自未停梭

世宗憲皇帝御製

一梭復一梭頻擲青燈側豔豔機上花朵朵手中織嬌  
女眠齁齁秋蟲語唧唧檐頭月漸高紙窓明曉色


高宗純皇帝御製恭和

聖祖仁皇帝原韻

織女工夫午夜多  
莫將容易著絲羅  
銀蘭照處方成寸  
已自循環擲萬梭


皇帝御製

作帛織機始宵燈  
照戶阿堅持寸心  
靜不覺萬絲多綜  
躡難停杼縱橫頻  
擲梭七襄紀小雅  
光彩燭星河



織

青燈暝幃幕絡緯  
鳴井蘭輒輒揮素  
手風露淒已寒辛  
勤度幾梭姑復成  
一端寄言羅綺伴  
當念麻苧單



織第十八

絡絲

聖祖仁皇帝御製

無衣卒歲早開情  
寒氣催人蟋蟀聲  
茅屋疎籬秋夜永  
短檠相對絡絲成

世宗憲皇帝御製

紅女亦頗勞  
淒然當戶歎  
燈昏絡素絲  
雙重困柔腕  
纖纖  
纖鬢影寒沈  
沈夜氣半安心  
不敢忙心忙  
絲緒亂



高宗純皇帝御製恭和

聖祖仁皇帝原韻

秋惹深閨無限情  
可堪蟋蟀送寒聲  
玉關萬里征夫遠  
惆悵新絲絡不成

皇帝御製

繳軫音動繼張祝絲縷勿縈紆牽引絡於簾貫穿度自享  
挑燈宵正永轉軸腕忘助力作休言倦計功課小姑



絡繹  
 兒夫督機絲翰  
 官趁時節向來  
 催租藏正為坐  
 踰越朝來掉覆  
 勤寧復辭脫脫  
 辛苦夜未眠敗  
 屋燈明滅



織第十九

經

聖祖仁皇帝御製

織絰精勤有季蘭牽絲分理織羅紈鳴機來往桑林裏  
已作吳綃匹練看

世宗憲皇帝御製

昨為簾上絲今作軸中經均勻細分理珍重相叮嚀君  
看千萬縷始成丈尺絹城市紈袴兒辛苦何嘗見


高宗純皇帝御製恭和


聖祖仁皇帝原韻

砌下風飄侍女蘭  
新絲經理欲成紈  
安排頭緒分長短  
約伴同來仔細看

皇帝御製

層層排絡襲上架  
往來牽衆縷有條  
貫一心善斡旋鳴  
機得頭緒運軸自  
綿延綸綍應加慎  
如絲勿妄宣





經  
素絲頭緒多羨君  
好安排青鞵不動  
塵緩步交去來脉  
脉意欲亂暮春首  
重回王言正如絲  
亦付經綸才

織第二十

染色

聖祖仁皇帝御製

凝膏比潔絡新絲傳得新方色陸離一代文明資賁飾  
須教五采備彰施

世宗憲皇帝御製

深淺練縑縑蒼黃運巧智把絲曬柴荆臨風含綺思煥  
然五色紛爛若雲霞熾好語付機工金梭織錦字




高宗純皇御製恭和

聖祖仁皇帝原韻

經緯功成尚染絲晴光萬縷燦離離天工奪處闌人巧  
棚上還看五色施

皇帝御製

絲成皆潔白染練煥縑緇璫璅萬條理陸離五采彰雲  
霞昭賁飾黼黻佐文章朱綠元黃備含輝咸質良



漂色  
絲成練熟時萬縷  
銀光故因為五色  
形曾費易仙老奇  
方自聖傳不繼何  
人曉染得色鮮明  
乃是天工巧



織第二十一

攀花

聖祖仁皇帝御製

巧樣爭傳濯錦紋堪憐織女最殷勤  
雲章霞綵娛人意  
自著尋常縞布裙

世宗憲皇帝御製

織絹當織長挽花要挽雙緒繁勞玉腕梭  
冷燼銀釭新  
樣勝吳綾斜文賽蜀錦成匹落誰家詎忍裁衾枕


高宗純皇帝御製恭和


聖祖仁皇帝原韻

簇簇堆成錦繡紋  
攀花鬪巧最精勤  
堪憐織女深秋裏  
纔著新縫素布裙

皇帝御製

巧擅女工首雲章  
繪素綈緯經合樞  
紐心手應高低運  
掌絲無舛擲梭花  
漸提織成由意匠  
何處覓端倪





攀華  
時態尚新  
巧女工慕  
精巧心手  
暗相應照  
眼華紛紜  
殷勤拋錦  
字曲折續  
回文更將  
無限思織  
作雁背雲

織第二十二

剪帛

聖祖仁皇帝御製

手把齊紈冰雪清秋衣欲製重含情  
逡巡莫漫施刀尺  
萬縷千絲織得成

世宗憲皇帝御製

千絲復萬絲成帛良非偶握尺重含情  
欲剪頻低首紅  
分的的桃青擘柔柔柳但免舅姑寒  
妾單亦何醜




高宗純皇帝御製恭和


聖祖仁皇帝原韻

溪尾如藍秋水清裁衣寄遠重關情金刀欲下躊躇意  
絲縷皆從素手成

皇帝御製

帛成良不易欲剪復低徊珍惜勞心製奚容信手裁乍  
看千縷合倏見百花開尺寸休輕棄都從辛苦來





剪帛

低眉事機杼細意  
把刀尺盈盈彼美  
人剪剪其束帛輸  
官給邊用辛苦何  
足惜大勝漢線綾  
粉污不再著

織第二十三

成衣

聖祖仁皇帝御製

已成束帛又縫紉始得衣裳可庇身自昔宮庭多澣濯  
總憐蠶織重勞人

世宗憲皇帝御製

九月屆授衣縫紉難容緩  
迺迺逐剪裁楚楚稱長短  
刀尺迎風寒玄黃委雲滿  
帝力併天時農蠶慰飽暖

高宗純皇帝御製恭和


聖祖仁皇帝原韻

戔戔束帛費縫紉只為祁寒事切身


聖主憂勤圖畫裏宵衣永庇萬方人

皇帝御製

已屆授衣候成裳庶庇身剪裁度修短鍼綫細縫紉無  
褐憐貧墊忍飢墜苦貧農桑到治本題繪憫黎民



成衣  
銀針透錦絲金剪  
冲嬌綠長短在工  
人寬窄憑尺數橫  
裁雁陣雲碎補鴉  
翎目衣成念織勞  
莫把蠶家負



欽定授時通考卷五十三



欽定四庫全書

欽定授時通考卷五十四

蓄聚

彙考

詩小雅我倉既盈我庾維億

傳露積曰庾十萬曰億箋萬物成則倉庾充滿矣倉  
言盈庾言億亦互辭喻多也

又我取其陳食我農人自古有年

箋倉廩有餘民得賒貰取食之所以紓官之蓄滯亦使民愛存新穀自古者豐年之法如此疏官有蓄積恐其久而腐敗所以紓出官粟之蓄積久滯者待秋收然後取民新穀以納官也地官旅師云凡用粟春頒而秋歛之註云困時施之饒時歛之此卽我取其陳也王制云三年耕必有一年之食則太平豐年當家自有積而得有貸官粟者作制者美古之辭據多以言不能使皆有蓄積猶今之豐年而民有貧而無



又大雅廼積廼倉

傳言民樂時和國有積倉也疏乃有委積乃有囷倉言其有穀食之資

又周頌豐年多黍多稌亦有高廩萬億及秭

傳廩所以藏盛之穗也數萬至萬曰億數億至億曰秭箋萬億及秭以言穀數多疏器實曰盛在器曰盛謂飯食也以米粟爲之遠本其初出於禾穗故謂廩之所藏爲盛盛之穗也禹貢百里賦納總卽禾稼

也鉅卽穗也禾稼當積而貯之不在倉廩其穗當在  
廩藏之自穗以往秸及粟米皆在倉廩矣廩之高大  
於藏穗爲宜地官廩人註云藏米曰廩者對則藏米  
曰廩藏粟曰倉其散卽通也廩之所容兼米兼粟也  
禮記王制冢宰制國用必於歲之杪五穀皆入然後制  
國用用地小大視年之豐耗以三十年之通制國用量  
入以爲出

註通三十年之率當有九年之蓄䟽通三十年之率

者每年之率入均分爲四分一分擬爲儲積三分爲當年所用二年又畱一分三年又畱一分是三年總得三分爲一年之蓄王肅以爲二十七年有九年之蓄而言三十舉全數

又三年耕必有一年之食九年耕必有三年之食以三十年之通雖有凶旱水溢民無菜色

又月令仲秋之月穿竇窖修囷倉

註爲物當藏也穿竇窖者入地隋曰竇方曰窖

又乃命有司趣民收歛務畜菜多積聚

註始爲禦冬之備

又孟冬之月命百官謹蓋藏

註謂府庫因倉有財物

又命司徒循行積聚無有不斂

註謂芻禾薪蒸之屬

周禮遺人掌邦之委積以待施惠鄉里之委積以恤民之難阨門閭之委積以養老孤郊里之委積以待賓客

野鄙之委積以待羈旅縣鄙之委積以待凶荒

註委積者廩人倉人計九穀之數足國用以其餘共之所謂餘法用也少曰委多曰積

又廩人掌九穀之數以待國之匪頒賙賜稍食

註匪讀爲分分頒謂委人之職諸委積也賙賜謂王所賜予給好用之式也稍食祿廩䟽廩灋有數名天子有御廩單云廩則平常藏米之廩明堂位魯有米廩有虞氏之學以有虞氏尚孝合藏棗盛之委故名



學爲米廩非廩稱也詩云亦有高廩註云廩所以藏  
米盛之穗以其萬億及秭數多非藏米之數故以藏  
穗言之與常廩御廩又異

又以歲之上下數邦用以知足否以詔穀用以治年之  
凶豐

註數猶計也䟽上下卽豐凶廩人之官以歲之豐凶  
得稅物多少之帳計國之用以知足否若歲凶稅物  
少而用多則不足廩人旣知多少足否乃詔告在上

用穀之灋以治年之凶豐此卽王制云制國用必於  
歲之杪者是也

又凡萬民之食食者人四鬴上也人三鬴中也人二鬴  
下也

註此皆謂一月食米也六斗四升曰鬴疏此謂給萬  
民糧食之灋食者謂民食國家糧上謂大豐年中謂  
中豐年下謂少儉年此雖列三等之年以中年是其  
常法鬴當今六斗四升則今給請亦然

又倉人掌粟入之藏辨九穀之物以待邦用有餘則藏之以待凶而頒之

註九穀盡藏焉以粟爲主

管子凡有地牧民者務在四時守在倉廩倉廩實則知禮節衣食足則知榮辱

又積於不涸之倉者務五穀也

又凡牧民者以其所積者食之不可不審也其積多者其食多其積寡者其食寡無積者不食

又國之寡狹壤之肥瘠有數終歲食餘有數彼守國者  
守穀而已矣

又歲有凶穰故穀有貴賤令有緩急故物有輕重人君  
不理則畜賈游於市乘民之不給百倍其本矣凡輕重  
歛散之以時卽準平守準平使萬室之邑必有萬鍾之  
藏藏錙千萬千室之邑必有千鍾之藏藏錙百萬春以  
奉耕夏以奉耘耒耜器械種穰糧食必取贍焉故大賈  
畜家不得豪奪吾民矣

又桓公曰糴賤寡人恐五穀之歸於諸侯欲爲百姓萬  
民藏之爲此有道乎管子曰今者夷吾過市有新成圉  
京者二家君請式璧而聘之桓公曰諾行令半歲萬民  
聞之舍其作業而爲圉京以藏菽粟五穀者過半  
又武王有巨橋之粟

註巨橋倉在今廣平郡曲周縣

越絕書吳兩倉春申君所造一名均輸

呂氏春秋南呂之月蟄蟲入穴趣農收聚無敢懈怠以

多爲務

淮南子夫天地之大計三年耕而餘一年之食率九年而有三年之畜十八年而有六年之積二十七年而有九年之儲雖涿旱災害之殃民莫困窮流亡也故國無九年之畜謂之不足無六年之積謂之憫急無三年之畜謂之窮乏

韓詩外傳王者藏於天下諸侯藏於百姓農夫藏於困庾商賈藏於篋笥

史記天官書胃爲天倉

正義曰胃主倉廩五穀之府也占明則天下和平五穀豐稔

又其南衆星曰層積

正義曰芻藁六星在天苑西主積藁草者  
漢書高帝紀二年築甬道屬河以取敖倉粟

註孟康曰教地名在滎陽西北山上臨河有大倉

又七年蕭何治未央宮立太倉

三輔黃圖太倉蕭何造在長安城外東南有百二十楹  
又長安西渭北石徼西有細柳倉東有嘉倉初建一百  
二十楹

漢書地理志河東郡有根倉滋倉

又食貨志民三年耕則餘一年之畜三考黜陟餘三年  
食進業曰登再登曰平餘六年食三登曰泰平二十七  
歲遺九年食然後德化流洽禮樂成焉



又文帝卽位躬修節儉思安百姓賈誼說上曰古之人  
曰一夫不耕或受之飢一女不織或受之寒生之有時  
而用之無度則物力必屈古之治天下至纖至悉也故  
其畜積足恃夫積貯者天下之大命也苟粟多而財有  
餘何爲而不成今毆民而歸之農皆著於本使天下各  
食其力末技游食之民轉而緣南畝則畜積足而人樂  
其所矣

又武帝之初國家無事民人給家足都鄙廩庾盡滿而

府庫餘財太倉之粟陳陳相因充溢露積於外

又晁錯曰聖王在上而民不凍餒者非能耕而食之織而衣之也爲開其資財之道也故堯禹有九年之水湯有七年之旱而國亡捐瘠者以畜積多而備先具也今海內爲一土地人民之衆不辟湯武加以亡天災數年之水旱而畜積未及者何也地有遺利民有餘力生穀之土未盡墾山澤之利未盡出也游食之民未盡歸農也夫寒之於衣不待輕煖飢之於食不待甘旨飢寒至

身不顧廉耻人情一日不再食則飢終歲不製衣則寒  
夫腹饑不得食膚寒不得衣雖慈母不能保其子君安  
能以有其民哉明主知其然也故務民於農桑薄賦歛  
廣畜積以實倉廩備水旱故可得而有也

通典永平五年作常滿倉

吳書注建康宮城卽吳苑城城內有倉名曰苑倉故開  
北瀆通轉運於倉所時人亦呼為倉城晉咸和中修苑  
城為宮惟倉不毀故名太倉在西華門內道北

益州記成都縣東有古白帝倉

水經注汾陽故城積粟所在名之曰羊腸倉在晉門閭陽北石磴紫委若羊腸故以為名卽今羊腸坂是也

隋書食貨志江左京都有龍首倉卽石頭津倉也臺城內倉南塘倉常平倉東西太倉東宮倉所貯總不過五十餘萬在外有豫章倉釣磯倉錢塘倉並是大貯備之處自餘諸州郡臺傳亦各有倉

又魏天平元年常調之外逐豐稔之處折絹糴粟以充

國儲於諸州緣河津濟皆官倉貯積以擬漕運自是之後倉廩充實雖有水旱凶饑之處皆仰開倉以賑之元象興和之中頻歲大穰穀斛至九錢

又齊河清三年令諸州郡皆別置富人倉

又開皇三年詔衛州置黎陽倉洛州置河陽倉陝州置

常平倉

六典以此通轉運非糶糴

華州置廣通倉轉相灌注

玉海大業二年十月置洛口倉於鞏城周二十里穿三千窖置回洛倉於洛陽北城周十里穿三百窖窖容八

百石

唐六典司農寺有太倉令掌九穀廩藏之事注東都則曰含嘉倉倉部郎中掌倉庾凡都之東租納於都之含嘉倉自含嘉倉轉運以實京之太倉

唐書食貨志開元二十一年京兆尹裴耀卿請罷陝陸運而置倉河口使江南漕舟至河口者輸粟於倉而去縣官雇舟以分入河洛置倉三門東西漕舟輸其東倉而陸運以輸西倉復以舟漕以避三門之水險乃於河

陰置河陰倉河西置柏崖倉三門東置集津倉西置鹽倉鑿山十八里以陸運自江淮漕者皆輸河陰倉自河陰西至太原倉謂之北運自太原倉浮渭以實關中

又地理志華州華陰有永豐倉臨渭倉河中府龍門有龍門倉

唐會要咸亨三年關中饑監察御史王師順運晉絳之粟於河渭之間增置渭橋倉自師順始也

唐書李憲傳河中兵仰食於絳常數十萬石故教保山

為固民之輸者十牛不勝一車憲於潁汾相城治新倉  
當費二百萬請留坦縣粟糶河南以錢還糶絳粟權其  
贏以葺新倉絳人利賴

唐陸贄奏議君養人以成國人戴君以成生上下相成  
事如一體然則古稱九年六年之蓄者蓋率土臣庶通  
為之計耳固非獨豐公庾不及編氓

宋史食貨志常平義倉漢隋利民之良法常平以平穀  
價義倉以備凶灾周顯德中又置惠民倉以雜配錢分



歎折粟貯之歲歛減價出以惠民宋兼存其法焉

文獻通考宋太宗端拱二年置折中倉許商人輸粟優其價令執券抵江淮給茶鹽每一百萬石爲一界祿仕之家及形勢戶不得輒入粟

又淳化五年令諸州置惠民倉如穀稍貴卽減價糶與貧民不得過一斛

宋史食貨志咸平中庫部員外郎成肅請福建增置惠民倉因詔諸路申淳化咸平惠民之制

又嘉祐二年詔天下置廣惠倉初天下没入戶絕田官  
自鬻之樞密使韓琦請留勿鬻募人耕收其租別爲倉  
貯之以給州縣郭內之老幼貧疾不能自存者領以提  
點刑獄歲終具出納之數上之三司戶不滿萬留田租  
千石萬戶倍之戶二萬留三千石三萬留四千石四萬  
留五千石五萬留六千石七萬留八千石十萬留萬石  
田有餘則鬻如舊四年詔改隸司農寺州選官二人主  
出納歲十月遣官驗視應受米者書名於籍自十一月

始三日一給人米一升幼者半之次年二月止有餘乃及諸縣量大小均給之其大畧如此

宋會要京諸倉總二十三所凡受四河運至京師者謂之轉般倉永豐通濟萬盈廣延延豐順成濟遠富國受江淮所運永濟永富二倉受懷孟二州所運廣濟第一倉受潁壽二州所運廣積廣儲二倉受曹濮諸州所運其受京畿之租者曰稅倉京東界則廣濟第二倉受之京北界則廣積第一倉騏驎院天駟監倉受之京西界

則左天廩坊倉受之京南界則大盈右天廩倉受之  
宋史夏竦傳竦子安期知渭州籍塞下閒田募人耕種  
歲得穀數萬斛以備賑發名曰貸倉

玉海紹興二十六年始置豐儲倉以百萬石爲額

續文獻通考宋孝宗淳熙十五年司農等言豐儲倉初  
額一百五十萬石不爲不多積之既久寧免朽腐異時  
緩急必致失措擬以每歲諸州合解納行在米數及諸  
處坐倉收糴若干預行會計以俟對兌不盡之數如常

平法許其於陳新未接之時擇其積久者盡數出糶俟秋成補糶則足五十萬石之額永無銷耗此亦廣儲蓄之策也從之

又嘉泰時葉筠知南劍州州貧生子多不舉筠請立舉子倉賑給之

又理宗紹定六年資政殿學士知潭州曾從龍奏州縣賑民之法有三曰濟曰貸曰糶濟不可常惟貸與糶為利可久今撥緡錢一千萬有奇分下潭州十縣委令佐

糴米置惠民倉乞比附常平法從之

又紹定中曾用虎知興化軍事立平糴倉捐楮幣萬六千緡爲糴本益以廢寺之穀歲歉價高則發倉以糴之歲豐價平則散諸寺易新穀藏焉

又初閩人生子貧者多不舉紹興中朱文公請立舉子倉淳祐中趙汝愚帥閩推廣其意括絕沒之田產召佃輸租仍發糴本建倉收儲遇受孕五月以上者則書於籍建免乳日人給米一石三斗至是詔賜常平錢米賑

給之

宋史儒林傳真德秀知潭州除斛面米申免和糴以甦其民民艱食旣竭力賑贍之復立惠民倉五萬石使歲出糴又立慈幼倉

宋呂祖謙曰大抵荒政統而論之先王有預備之政上也修李惺平糶之政次也所在蓄積有可均處使之流通移民移粟又次也咸無焉設糜粥最下也

金史食貨志世宗大定十年上責戶部曰隨處時有賑

濟往往近地無糧取於他處往返既遠人愈難之何爲  
不隨處起倉年豐多糴以備賑濟設有緩急豈不亦易  
辦乎

農桑通訣蓄積篇蓄積者有國之先務皆爲民計非徒  
曰藏富於國也先王預備憂民之意大抵無事而爲有  
事之備豐歲而爲歉歲之憂是故國有國之蓄積民有  
民之蓄積當粒米狼戾之年計一歲一家之用餘多者  
倉箱之富餘少者儋石之儲莫不各節其用以濟凶乏



此固知堯湯之時國無捐瘠所謂蓄積多而備先具者  
豈皆藏於國哉蓋必有藏於民者矣今之爲農者見小  
近而不慮久遠一年豐稔沛然自足侈費妄用以快一  
時之適所收穀粟耗竭無餘一遇小歉則舉貸出息於  
兼并之家秋成倍稱而償之歲以爲常不能振拔其間  
有收刈甫畢無以餬口者其能給終歲之用乎嘗聞山  
西汾晉之俗居常積穀儉以足用雖間有飢歉之歲庶  
免夫流離之患也傳曰收歛蓄藏節用御欲則天不能

使之貧信斯言也近世利民之法如漢之常平倉穀賤則增價糴之不至於傷農穀貴則減價而糴之不使之傷民唐之義倉計墾田頃畝多寡豐年納穀而藏之凶年出穀以賙貧之官爲主之務使均之是皆歛其餘以濟不足雖遇儉歲而不憂飢殍也然嘗考之漢史賈生言于文帝曰漢之爲漢幾四十年公私之積猶可哀痛彼一時也自文帝躬行節儉以化天下至景帝末年太倉之粟陳陳相因而民亦富庶人徒見古之蓄積常有

餘後之蓄積常不足豈天之生物不如古之多人之謀事不如古之智蓋古之費給有限而後之費給無窮無怪乎有餘不足之不同也

明史食貨志明初京衛有軍儲倉洪武三年增置至二十所各行省有倉官吏俸取給焉邊境有倉收屯田所入以給軍二十八年增京師諸衛倉凡四十一永樂中設北京三十七衛倉益令天下府縣多設倉儲正統中增置京衛倉凡七

又凡京倉五十有六通倉十有六直省府州縣藩府邊  
隘堡站衛所屯戍皆有倉少者一二多者二三十云

續文獻通考明正統四年大學士楊士奇言太祖篤意  
養民天下郡縣悉出官鈔糴穀貯倉以備水旱歲久滋  
弊穀盡食毀請擇遣京官廉幹者往督有司凡豐稔州  
縣各出庫銀平糴以備荒郡縣官以舉廢爲殿最仁政  
無切於此上命戶部急行之

明楊溥奏疏凡古聖賢立國必修預備之政太祖洪武

年間每縣於四境設立倉場出官鈔糴穀儲貯其中又於近倉之處僉點大戶看守以備荒年賑貸官籍其數歛散皆有定規又於縣之各鄉相地所宜開濬陂塘及修築濱江近河損壞堤岸以備水旱耕農甚便皆萬世之利自洪武以後有司亦皆視爲文具是以一遇水旱饑荒民無所賴官無所措公私交窘只如去冬今春畿內郡縣艱難可見况聞今南方官倉儲穀十處九空甚者穀旣全無倉亦無存矣大抵親民之官得人則百廢

舉不得其人則百弊興此固守令之責若養民之務風  
憲之臣皆所當問年來因循亦不之及此事雖若可緩  
其實關係甚切

明史周忱列傳宣德五年忱遷工部右侍郎巡撫江南  
諸府七年江南大稔詔令諸府縣以官鈔平糴備賑貸  
蘇州遂得米二十九萬石故時公侯祿米軍官月俸皆  
支於南戶部蘇松民轉輸南京者石加費六斗忱奏令  
就各府支給與船價米一斗所餘五斗通計米四十萬

石有奇并官鈔所糴共得米七十萬餘石遂置倉貯之  
名曰濟農

又正統初淮揚鹽課虧勅忱巡視忱爲節竈戶運耗得米三萬二千餘石亦倣濟農倉法置贍鹽倉益補逃亡缺額由是鹽課大殖

大清會典順治十三年議準積穀賑給令修葺倉廩印烙倉斛選擇倉書糴糶平價不許別項動支

又康熙二十九年

諭朕撫育黎元勤思治理足民之道宜裕蓋藏從來水旱  
靡常必豐年恒有積儲庶歉歲不憂饑饉如康熙二十  
七年頗稱歲稔誠使民間經營撙節早爲儲侍何至二  
十八年偶遇旱祲室皆懸磬總因先時無備遂至餬口  
維艱比蠲除正賦特發帑金分行賑濟所在官司悉仰  
體朕懷竭力從事被災之衆始獲安全倘非拯救多方  
則荒黎必流移失所今霖雨時降黍苗被野刈穫在即  
可望有秋惟恐愚民不知愛惜物力狼籍耗費祇爲目



前之計固圖來歲之需縱今年復履豐亦難漸臻殷阜  
應行直省各督撫嚴飭地方官吏家諭戶曉務使及時  
積貯度終歲所食常有餘儲用副朕軫念民依綢繆區  
畫至意

又康熙三十年覆準直屬所捐米石大縣存五千石中  
縣存四千石小縣存三千石倘遇荒歲卽以此項給散  
其留倉餘剩者俱于每年三四月照市價平糶五月初  
旬盡數解交守道貯庫九月初旬各州縣仍領出買新

穀還倉

又康熙三十四年

諭積貯米穀最爲要務倘能實有蓋藏則雖遭凶荒必不  
至於饑饉但小民不知儲蓄每于豐稔之年恣意糜費  
一遇歉歲即坐困不支今正值麥石收穫之時應行各  
該地方官勸諭百姓令各戶量力捐輸積貯該州縣官  
將輸納之人姓名數目詳記冊籍其秋禾收穫以後亦  
依此例舉行如春月轉貸于乏穀之民俟秋月即照此

數償還備用每歲當收穫時遵行此捐輸之法不數年間米穀充裕縱使歲偶不登何至閭閻艱於粒食大學士等與九卿詹事科道會議具奏遵

旨議定令直省各督撫飭各州縣衛所官員勸諭鄉紳士民人等每歲收穫時令各戶量力所能不論幾石幾斗捐輸積貯若將米麥貸於乏穀之人俟收穫時即照原領米麥之數交納如有不肖官員抑勒多收情弊事發即照私派錢糧例處分每歲收穫時俱照此遵行

又康熙四十三年覆准山西之民別無他業惟資田畝  
恐積貯穀少一時需用購買維艱每大州縣存穀二萬  
石中州縣一萬六千石小州縣一萬二千石

又康熙四十四年議准河南省河南府居數省之中積  
穀以備賑濟山陝之需令將四十三年漕米每米一石  
易穀二石共穀四十六萬五千六百石零於河南府收  
貯穀二十三萬五千六百八十一石造倉廩二百九十  
三間其餘二十三萬於近汴近洛之祥符縣貯穀三萬

石中牟縣貯穀二萬五千石汜水縣貯穀二萬石鞏縣貯穀二萬五千石偃師縣貯穀二萬八千石陝州貯穀二萬七千石靈寶縣貯穀二萬八千石閩鄉縣貯穀二萬七千石共造倉廩三百六十四間嚴勅加謹收貯每年於青黃不接之時出陳易新照依三分之一借給民人秋後還倉

又雍正三年

諭古者視土之上中爲儲蓄之節蓋爲民經畫久遠不爲

一時苟且之計積之於豐年用之於歉歲所謂有備無患法良而意美也朕自臨御以來宵旰勤求無刻不以民爲念乃重農積粟之詔屢下而閭閻率少蓋藏官倉亦多虧缺卽如直隸保定等府去歲頗稱有秋今春二麥亦熟乃以夏秋雨水過多田禾被澇而民間遂有饑色幾至流離若非多方賑卹窮民必致失所此皆草野無知食不以時用不以禮但快目前之有餘罔計異日之不足一遭旱澇追悔無從至於常平等倉原爲備荒

而設乃有司奉行不力多至缺額罪何可逭茲據江南浙江江西湖廣福建河南山西陝西廣東廣西雲南貴州等省督撫報稱今歲秋成八九十分不等朕覽不勝慰悅又重爲吾民計及久長宜及此時講求儲蓄之道以備將來該督撫等可轉飭有司徧行曉諭務須撙節愛惜各留有餘預爲他時緩急之需社倉之法亦宜乘此豐年努力爲之勿但視爲虛文故事朕爲吾民籌畫養贍之道惓惓於懷無時或釋而吾民自謀其身家若

但苟且因循不復長顧遠慮則重負朕軫念元元之意矣至於州縣倉儲向有虧缺者若不乘此豐收之時速行買補將來發覺斷不姑貸慎之慎之

又雍正三年


諭積貯倉糧特爲備荒賑濟之用但南省地方甚屬潮濕米在倉一二年便致霉爛實難收貯改貯稻穀似可長久應否改貯稻穀收貯之處著詳議具奏遵

旨議定江安閩浙湖廣江西四川廣東廣西雲南貴州十



省內除安徽但有稻穀原無存貯米石及浙江福建倉米有限無容改易其湖南湖北四川江西四省存貯米石皆在五萬石內外令於一年內改換稻穀江淮截漕米廣東存倉米皆八萬餘石廣西存倉米十萬餘石零分作二年改換稻穀雲南米五十七萬餘石貴州米四十萬餘石一二年內不能盡行改易每年雲南應給兵糧十四萬九千六百餘石貴州兵糧九萬五千六百餘石即將二省存倉之米支給至秋成時於額徵內徵收

稻穀補項雲南存倉米石四年內盡可改換貴州三年內盡可改換令各地方官添造倉廩以備收貯



欽定授時通考卷五十四